

Par ton faulx iugement iniuste
 A tort et trop puiffamment
 Tu travailles amerement
 Et que droiz superbeux prononce
 Contre luy car ie te denonce
 Que tu ne scauoyes dresser
 Sans gramment ton ame bleffer

Prouer. iij
 c. xi.

Que cil est mauuais qui point
 Son amy et serche le point
 De luy faire queique dommaige
 Quelque desplaisir et oustraige
 Car le Bray degre damitie
 Est lung de lautre auoir pitie
 Et sans dissimulacion
 Saimer sans adulacion

Eccle. xxv.
Luce. xi.

Soy faire prouffit et plaisir
 Et tousiours auoir bon desir
 Dentretenir ceste acointance

Mais maintenant telle aliance
 Et telles honestes amours
 Entre les hommes nont plus cours
 Tout est corumpu et remis
 Il n'ya plus de telz amis
 Qu'il auoit en grece iadis
 Il va des ans plus de dix

Patroclus

Contemplez dung bon sens rassiz
 Comment patroclus fut occis
 Par hector en nobles faictz darmes
 Par ce que prises les guisarmes
 Auoit dachilles sans doubter
 Qui lors nauoit voulu iouster

Bocaci^o de
genea. dec.
i. xij. c. liij.

Contre les troiens mais sans faille
 Achilles sen vint en bataille
 Pour le bon patroclus venger

Achilles.

Et contre hector se vint renger
 Et iousta par si grant puiffance
 Qu'il le tua dung coup de lance
 Qui ne souffist mais le lia
 A son char et puis le trapna
 Par forme de derision
 Le long du chasteau d'ylion
 Deuant son pere priamus

Puis au tombeau de patroclus
 Tint son corps bien par douze iours
 Doy la par quelz moiens et tours
 Vengea la mort de son amy
 Dont il auoit eu grant ennuy

Listoire de horestes lisez
 Vous priant que bien y visez
 Qui fut enfant dagamenon
 Preux et vaillant de grant renom
 Lequel quant mopennant sa mere
 Egistus eust occis son pere
 Par electra sa seur abille
 Fut deliure lors astrophille
 Pour lentretenir et nourrir
 Par ce qu'on leust lors fait mourir
 Mais tantost deuint grant et fort
 Horestes et vengea la mort
 De son pere car il tua

Lors sa mere cletemestra
 Et egistus. mais quant venge
 Se fut deuint comme entrage
 Car tousiours luy estoit aduis
 Qu'il veist sa mere vis a vis
 De luy comme toute enflammee
 Et toute de serpens armee

Luy voulant la mort pourchasser
 Mais quant pilades veit lasser
 Horestes de telle fureur,
 Luy promist de concordial cueur
 Et de couraige treshumain
 Le rendre en son bon sens et sain
 Aumoien de quoy sen allerent
 En colchos et tant cheminerent
 Qu'ilz arriuerent dens le temple
 De dyane bien grant et ample
 Duquel sans nulle mesprison
 Receut horestes guetison
 Et ladiuision qu'auoit eue
 Incontinent il eust perdue
 Par pilades son compaignon

Que te diray ie de damon
 Et du bon pithias aussi

Pilades.
Horestes.

Hec narrat
theodosius
vt refert bo
caci^o de ge
ne. de. li. xij
c. xx.

Hac hysto-
ria ponit va
lerius li. iij
c. vj.

Valeri^o li.
iiij. c. vj.